



Канон о распятии Господни и на пазуч Пресвятыя Богородицы





Песнь 1.

Ирмос: Яко по сѹху, пешешѣствовав Израїль / по бездне стопами, / гонителя фараона / видя потопляема, / Бѳгу побѣдную песнь / поїм, вопіяше.

Запев: Слава Тебѣ, Бѳже наш, слава Тебѣ.

Обѣшена яко виде на Крестѣ, Сына и Гѳспода, / Дѣвая Чїстая, терзаящися, вопіяше горце, / со другими женами, стѣнящи, глаголаше.

Вїжу Тя ныне, / возлюбленное Моѣ Чадо и любимое, на Крестѣ вїсяща, / и уязвляюся горце сѣрдцем, речѣ Чїстая, / но даждь слѳво, Благїй, Рабѣ Твоѣй.

Слава: Вѳлею, Сыне Мой и Творче, / терпїши на дрѣве лютую смерть, Дѣва глаголаше, / предстоящи у Крестá со возлюбленным учеником.

И ныне: Ныне Моегѳ чаяния, радости и весѣлия, / Сына Моегѳ и Гѳспода лишѣна бых: / увы́ Мне, болѣзную сѣрдцем, / Чїстая, плачущи, глаголаше.

Песнь 3.

Ирмос: Нѣсть свят якоже Ты, Господи Боже мой, вознесый рог верных Твоих, Блаже, и утвердивый нас на камени исповѣдания Твоего.





Страха ради иудейска Петр скрыся, и вси
отбегоша вернии, оставльше Христа, Дева,
рыдаючи, глаголаше.

О страшном Твоем рождестве и странном,
Сыне Мой, паче всех матерей возвеличена бых
Аз: но увы Мне, ныне Тя видящи на древе,
распалаюся утробою.

Слава: Вижу утробу Мою на руках, в нихже
Младенца держак, с древа прияти, вещаше
Чистая: но никтоже, увы Мне, Сего даде.

И ныне: Се Свет Мой, сладкий, Надежда и Живот
Мой Благий, Бог Мой угасе на Кресте,
распалаюся утробою, Дева, стелющи, глаголаше.

Песнь 4.

Ирмос: Христос моя сила, Бог и Господь, честная
Церковь боголепно поет взываючи, от смысла
чиста о Господе празднующи.

Солнце не заходяй, Боже Превечный и Творче
всех тварей Господи, како терпиши страсть на
Кресте? Чистая, плачущи, глаголаше.

Плачущи, глаголаше Браконейская ко
благообразному: потщися, Иосифе, к Пилату
приступити и испроси сняти со древа Учителя
Твоего.

Слава: Видев Пречистую горце слезящу, Иосиф
смутися и, плачяся, приступи к Пилату: даждь ми,
вопия с плачем, Тело Бога моего.





И ныне: Уязвена Тя видящи, и без славы, нага на древе, Чадо Мое, утробою распалаюся, рыдаючи яко Мати, Дева провещаваше.

Песнь 5.

Ирмос: Божиим светом Твоим, Блаже, утренюющих Ти души любовью озари, молюся, Тя вести, Слове Божий, Истинного Бога, от мрака греховного взывающа.

Растерзаяся и рыдая, и дивяся вкупе с Никодимом, снят Иосиф, и уцеловав Пречистое Тело, рыдаше и стеньаше, и поя Его яко Бога.

Приимши Его с плачем Мати неискусомужная, положи на колену, молящи Его со слезами и облобызаючи, горце же рыдаючи и восклицаючи.

Слава: Едину Надежду и Живот, Владыко, Сыне Мой и Боже, во очию свет Раба Твоя имех, ныне же лишена бых Тебе, сладкое Мое Чадо и любимое.

И ныне: Болезни и скорби, и воздыхания обретоша Мя, увы Мне, Чистая, горце рыдаючи, глаголаше, видящи Тя, Чадо Мое возлюбленное, нага и уединена, и вонями помазана мертвеца.





Песнь 6.

Ирмос: Житейское море, воздвигаемое зря
напастей бурею, к тихому пристанищу Твоему
притек, вопию Ти: возведи от тли живот мой,
Многомилостиве. Мертва Тя зрю,
Человеколюбче, оживившаго мертвыя,
и содержаща вся, уязвляюся люто утробою.
Хотела бых с Тобою умерети, Пречистая
глаголаше: не терплю бо без дыхания мертва Тя
видети.

Дивлюся, зрящи Тя, Преблагий Боже и
Прещедрый Господи, без славы, и без дыхания,
и безобразна: и плачуся, держащи Тя, яко не
надеяхся, увы Мне, видети Тя, Сыне Мой и Боже.

Слава: Не изглаголеши ли Рабе Твоей слова,
Слове Божий? Не ущедриши ли, Владыко, Тебе
Рождшую? Глаголаше Чистая, рыдающи
и плачущи, облобызаючи Тело Господа Своего.

И ныне: Помышляю, Владыко, яко ктому
сладкаго Твоего не услышу гласа, ни доброты
Лица Твоего узрю, якоже прежде Раба Твоя:
ибо зашел еси, Сыне Мой, от очию Моею.

Кондак, глас 8:

Нас ради Распятого, приидите, вси воспоим,
Того бо виде Мариа на древе и глаголаше:
аще и распятие терпиши, Ты еси Сын и Бог Мой.





Икос: Своего Агнца Агница зрящи к заколению влекома, последоваше Мариа простертыми власы со инеми женами, сия вопиющи: камо идеси, Чадо? Чесо ради скорое течение совершаеши? Еда другой брак паки есть в Кане, и тамо ныне тщишися, да от воды им вино сотвориши? Иду ли с Тобою, Чадо, или паче пожду Тебе? Дажь Ми слово, Слове, не молча мимо иди Мене, Чисту соблюдый Мя: Ты бо еси Сын и Бог Мой.

Песнь 7.

Ирмос: Росодательну убо пещь содела Ангел преподобным отроком, халдеи же опаляющее веление Божие, мучителя увеща вопити: благословен еси, Боже отец наших.

Где, Сыне Мой и Боже, благовещение древнее, еже Ми Гавриил глаголаше? Царя Тя, Сына и Бога Вышняго нарицаше: ныне же вижу Тя, Свете Мой сладкий, нага и уязвлена мертвеца.

Избавляяй болезни, ныне приими Мя с Собою, Сыне Мой и Боже, да сниду, Владыко, во ад с Тобою и Аз: не остави Мене едину, уже бо жити не терплю, не видящи Тебе сладкаго Моего Света.

Слава: С другими женами мироносицами, рыдающи Непорочная горце, износима видящи Христа, глаголаше: увы Мне, что вижу! Камо идеси ныне, Сыне Мой, а Мене едину оставляеши?





И ныне: Изнемогаючи и рыдаючи Непорочная, мироносицам глаголаше: срыдайте Ми и сплачитесь горце: се бо Свет Мой сладкий и Учитель ваш гробу предается.

Песнь 8.

Ирмос: Из пламене преподобным росу источил еси и праведнаго жертву водою попалил еси: вся бо твориши, Христе, токмо еже хотети. Тя превозносим во вся веки.

Деву рыдающую Иосиф видево, растерзашеся весь и вопияше горько: како Тя, о Боже мой, ныне погребу раб Твой? Какими плащаницами обвию Тело Твое?

Паче ума превзыде странное Твое видение, носящаго тварь всю Господа: сего ради Иосиф яко мертва Тя на руку своею и с Никодимом носит и погребае.

Слава: Странную вижу и преславную тайну, Дева вопияше Сыну и Господу: како в худом гробе полагаешися, мертвыя повелением возставляя во гробех?

И ныне: Ни от гроба Твоего востану, Чадо Мое, ни слезы точащи престану Раба Твоя, дондеже и Аз сниду во ад: не могу бо терпети разлучения Твоего, Сыне Мой.





Песнь 9.

Ирмос: Бога человеком не возможно видети,
на Негоже не смеют чини Ангельстии взирати:
Тобою бо, Всечистая, явися человеком Слово
воплощенно: Егоже величающе, с небесными вои
Тя ублажаем.

Радость Мне николиже отселе прикоснется,
рыдаючи, глаголаше Непорочная: Свет Мой
и Радость Моя во гроб зайде: но не оставлю Его
единого, zde же умру и спогребуся Ему.

Душевную Мою язву ныне исцели, Чадо Мое,
Пречистая вопияше слезящи: воскресни и утоли
Мою болезнь и печаль, можеша бо, Владыко,
елико хочещи и твориши, аще и погреблся еси
волею.

Слава: О како утаилася Тебе есть бездна щедрот,
Матери в тайне изрече Господь? Тварь бо Мою
хотя спасти, изволих умерети, но и воскресну
и Тебе возвеличу, яко Бог небесе и земли.

И ныне: Воспою милосердие Твое,
Человеколюбче, и поклоняюсь богатству милости
Твоея, Владыко: создание бо Твое хотя спасти,
смерть подъял еси, рече Пречистая: но
Воскресением Твоим, Спасе, помилуй всех нас.

Таже за Достоино: ирмос: Бога человеком не
возможно видети на Негоже не смеют чини
Ангельстии взирати: Тобою бо, Всечистая, явися
человеком Слово воплощенно: Егоже
величающе, с небесными вои Тя ублажаем.





Марфо-Мариинская обитель милосердия
www.mtom.ru



Подать записки

